

Adnabod Awdur

# Gwyn Morgan

Dwi wedi bod yn athro ysgol gynradd ers cyn cof. Cyn hynny roeddwn i'n gwneud peth wmbredd o waith yn ystod y gwyliau – yn weithiwr i'r cyngor, curadur mewn amgueddfa, gofalu am bobl anabl, glanhau ffenestri a dosbarthu bara i siopau Cwm Cynon. Erbyn hyn, dwi wedi rhoi'r gorau i ddysgu ac yn awdur amser llawn.

Dwi'n ymweld ag ysgolion i drafod fy ngwaith gyda phlant o bob oedran a dwi'n cynnal gweithdai ysgrifennu creadigol mewn gwahanol ganolfannau. Dwi'n hoff o weithio gyda phlant a gweld eu hyder yn cynyddu wrth ysgrifennu.

Doeddwn i ddim yn hoffi darllen yn yr ysgol gynradd am fod y llyfrau bryd hynny mor ddiflas a di-fflach. Roeddwn i'n mwynhau darllen comics a thrwy hynny'n darllen y stori drwy luniau.

Mae gweithio gyda Dai Owen wedi bod yn goron ar y cyfan, greda i. Mae ganddo ddychymyg byw ac mae ei ddawn i dynnu lluniau gwreiddiol wedi ychwanegu at y profiad hyfryd o gyfleu stori. Mae ganddo lygad am fanylder. Sbiwch ar rai o'r storiâu – medrwcw ddarllen llif y stori drwy'r darluniau yn unig.

Mae yna nifer o bethau sy'n gwneud imi chwerthin. Byddaf yn troi bwli yn rhywbeth i chwerthin ar ei ben drwy roi traed hir neu fola mawr iddo. Dydy bwli ddim hanner mor ddychrynlyd os oes ganddo nodweddion doniol.



Llyfrau Gwyn Morgan sydd mewn print  
(Cyhoeddwr: Dref Wen)



**Cyfes Fflach Doniol**  
Dyg a Dêf Diawledig  
Twpsyn  
Babi Ben  
Isi a'r Cloc  
Jazz  
Abracadabra  
Psst!  
Llew Lletchwith

**Cyfes Llyfrau Lloerig**  
Ben ar ei Wyliau  
Rwba Dwba

**Llyfrau eraill**  
Posau Gwallgo!  
Tu Chwith  
Dannedd Gosod Ben  
Hari Hyll yr Ail  
Jôcs Gwirion Gwyn a Dai  
(Gwasg Carreg Gwalch)

Adnabod Awdur

# Gwyn Morgan

**Dyddiad Geni:** 28 Mai 1954

**Ble cawsoch chi eich geni a'ch magu?** Cefais fy ngeni yn Ysbyty Aber-nant, Aberdâr, a fy magu yn Nhrecynon, Aberdâr.

**Ble cawsoch chi eich addysg?** Ysgol Gymraeg Ynyslwyd, Aberdâr; Ysgol Gyfun Rhydfelen, Pontypridd; a Choleg y Drindod, Caerfyrddin.

**Beth oeddech chi'n ei hoffi neu'n ei gasáu am yr ysgol?** Roeddwn i'n hoffi chwaraeon, cinio ysgol a'r merched pert. Doeddwn i ddim yn hoffi gwaith coed na gwaith metel.

**Beth oeddech chi eisiau bod ar ôl tyfu i fyny?** Awdur, heb os nac oni bai. Roeddwn i'n edmygu awduron a beirdd

**Beth yw eich diddordebau?** Cerdded, ysgrifennu, darllen, gwrando ar gerddoriaeth glasurol a jazz, mynd i'r capel, bwyta ...

**Beth sy'n eich gwneud chi'n hapus?** Bod gyda fy ngwraig, Joyce, a'm ffrindiau o gwmpas y bwrdd yn adrodd storïau doniol.

**Beth sy'n eich gwylltio chi?** Bwlis, a chlywed rhywun yn parhau am arian.

**Pryd ddechreusoch chi feddwl am ysgrifennu?** Ar ôl i fy nhad farw. Ysgrifennais gerdd a'i phostio i'r *Faner* ac fe'i cyhoeddwyd hi wythnosau'n ddiweddarach.

**Pa un oedd eich llyfr cyntaf?** *Dannedd Gosod Ben* (diolch i Wasg y Dref Wen).

**Ydych chi'n ei chael hi'n hawdd i ysgrifennu?** Nac ydw, mae'n rhaid imi aros i'r syniadau a'r cymeriadau ymddangos o'r cysgodion.

**O ble ydych chi'n cael eich syniadau?** Wrth ddarllen gwahanol ffynonellau a gwyllo pobl mae rhai syniadau'n blodeuo.

**Oes ganddoch chi gyngor i rywun sy'n trio ysgrifennu/barddoni?** Sylwch ar y ffordd mae awduron eraill yn ysgrifennu. Felly darllenwch, darllenwch, darllenwch.

**Oes unrhyw beth yr hoffech chi ei newid amdanoch eich hunan?** Fy mola. Mae e'n rhy dew o lawer.

**Pa raglenni teledu yw eich ffefrynnau?** Dwi'n gwrando ar y radio yn lle gwyllo'r teledu.

**Beth yw eich hoff fwyd?** Cyrri fy ngwraig, Joyce.

**Beth yw eich hoff le yn y byd?** Penderyn, wrth gwrs. Dyma lle dwi'n byw a dyma lle mae fy ffrindiau.

**Oes gyda chi un peth rydych yn ei drysori'n fwy na dim arall?** Fy nghyfeillgarwch â Dai Owen. Mae'n ddyd mwyn ac yn artist ysbrydoledig.

**Beth sy'n gwneud i chi chwerthin?** Ffilmiau'r Marx Brothers, *Monty Python*, *The Goons* a Dai Owen.

**Unrhyw gyfrinachau eraill yr hoffech eu rhannu â phlant Cymru?** Mae degau o hetiau gwahanol yn y tŷ gan fy mod yn eu casglu. Ar ôl pryd o fwyd mae pawb yn gwisgo het o wlad arbennig ac yn chwerthin.



CYNGOR LLYFRAU CYMRU  
WELSH BOOKS COUNCIL

**gwales.com**  
llyfrau ar-lein books online



2011